

**KJKP "VODOVOD I KANALIZACIJA" d.o.o. SARAJEVO**  
**v.d.DIREKTOR**  
**Izvod broj: KZ 05/18**

Sarajevo, 28.03.2018 godine

Na osnovu člana 69. stav 2. tačka d) i člana 70. stav 1. 4. i 6. Zakona o javnim nabavkama (Sl. glasnik BiH br. 39/14), člana 27. Pravilnika o nabavci roba, vršenju usluga i ustupanju radova KJKP "Vodovod i kanalizacija" d.o.o. Sarajevo i člana 41. Statuta preduzeća, na preporuku Komisije za javnu nabavku broj KZ 05/18 od 16.03.2018. godine, u postupku javne nabavke br. KZ 05/18 „Prenosiva utovarna rampa za mali bager“ donosi se :

**ODLUKA**

o poništenju postupka javne nabavke

**Član 1.**

Poništava se postupak javne nabavke broj KZ 05/18 za nabavku roba : „Prenosiva utovarna rampa za mali bager“ iz razloga što nijedna od primljenih ponuda nije prihvatljiva a sve u skladu sa odredbama člana 69. stav 2. tačka d) ZJN.

**Član 2.**

Ova odluka objavit će se na web stanici : [www.viksa.ba](http://www.viksa.ba) istovremeno s upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama.

**Član 3.**

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, u skladu sa članom 71. stav 2. Zakona o javnim nabavkama.

**O b r a z l o ž e n j e**

Postupak javne nabavke pokrenut je Odlukom o pokretanju postupka javne nabavke broj : KZ 05/18 od 13.02.2018.godine.

Javna nabavka je provedena putem konkurentskog zahtjeva za dostavu ponuda.

Procijenjena vrijednost javne nabavke bez PDV-a iznosi : 10.000,00 KM.

Obavještenje o nabavci broj: 247-7-1-30-3-108/18 poslato je na objavljivanje na Portal javnih nabavki dana 26.02.2018.godine.

Komisija za javnu nabavku imenovana je Rješenjem br. 18-12-01/17 od 18.12.2017 godine, Rješenjem o izmjeni Rješenja o imenovanju Komisije za javne nabavke br. 23-02-01/18 od 23.02.2018. godine i dopunskim Rješenjem članova komisije broj KZ 05/18-1 lot 4 od 13.02.2018.godine.

Komisija za javnu nabavku dostavila je dana 22.03.2018.g. Preporuku o poništenju postupka javne nabavke roba: „Prenosiva utovarna rampa za mali bager“ tender broj KZ 05/18

Komisija za javnu nabavku je sačinila odgovarajuće zapisnike u kojima je utvrđeno sljedeće:

-Za predmetnu javnu nabavku dostavljena: 1 (jedna) ponuda ponuđača: „Terra BiH“ d.o.o. Sarajevo

- Da je blagovremeno zaprimljena: 1 (jedna) ponuda – „Terra BiH“ d.o.o. Sarajevo

- Da nije bilo neblagovremeno zaprimljenih ponuda.

Komisija je utvrdila da dostavljena ponuda ponuđača : „Terra BiH“ d.o.o. Sarajevo ispunjava zahtijevane tenderske uslove prema obliku i potpunosti u smislu pripreme ponude.

Pregledom ponude ponuđača „Terra BiH“ d.o.o. Sarajevo, konstatovano je da isti ispunjava kvalifikacione uslove, obzirom na iskazane zahtjeve ugovornog organa u tenderskoj dokumentaciji.

Daljim pregledom ponude ponuđača „Terra BiH“ d.o.o. Sarajevo, konstatovano da je ponuđač „Terra BiH“ d.o.o. Sarajevo u dostavljenoj ponudi uradio ispravke koje nisu parafirane i to:

- u „**Obrazcu za cijenu ponude**“– **Aneks III; Prilog 2. Tačka: 20 TD**, ispravka urađena u specifikaciji na strani 15. u koloni br.13 gdje je data ukupna vrijednost PDV-a na ponudu, ispravka nema potpis i datum,
- u „**Nacrtu ugovora o javnoj nabavci**“ – **Prilog 6. Tačka 31 i 36 TD**, ispravka urađena u Članu 2. Ukupna vrijednost nabavke roba sa uključenim PDV-a, ispravka nema potpis i datum.

Na osnovu navedenih činjenica Komisija je konstatovala da ponuđač „Terra BiH“ d.o.o. Sarajevo nije ispunio zahtjeve iz **Tačke: 17.1 TD; „Način izrade ponude“** u kojem je jasno navedeno da su ponuđači obavezni da ponudu pripreme u skladu sa uputstvima i zahtjevima iz ove tenderske dokumentacije. Ponude koje ne budu pripremljene i dostavljene u skladu sa zahtjevima iz ove tenderske dokumentacije biće odbačene. Ukoliko ponuđači vrše ispravke u ponudi, iste moraju biti urađene na način da su vidljive (ispravljeni podaci moraju biti vidljivi), potvrđene svojeručnim potpisom ponuđača i sa datumom izvršene ispravke, a sve prema članu 18. stav (1) tačka m) Uputstva za pripremu modela tenderske dokumentacije i ponuda (“Službeni glasnik BiH”, br. 90/14, 20/15).

Na osnovu navedenog ponuda ponuđača „Terra BiH“ d.o.o. Sarajevo se smatra neprihvatljivom i ista se u potpunosti odbacuje, te neće biti predmet daljeg razmatranja.

Polazeći od gore navedenih konstatacija i činjenice da za predmetnu nabavku nijedna od primljenih ponuda nije prihvatljiva, primjenom člana 69. stav 2. tačka d) ZJN, donesena je Odluka o poništenju postupka kao u članu 1. ove odluke.

**Pouka o pravnom lijeku:**

Protiv ove odluke može se izjaviti žalba, najkasnije u roku od 5 (pet) dana od dana prijema ove odluke.

Dostaviti:  
- a/a



**v.d. Direktor**

*Azra Muzur*

Azra Muzur, dipl.inž.građ.

*Si  
#  
Nedre!  
Dun*